

## Sat. iij. capittel

syn fruwe reth. dat vyllychte eme dar na nicht  
entruwe. est he eres rades volgende is. alze hir  
de kōnyntē na ruwe hadde. wente eyn man is  
van vaster complexion wan eyne fruwe. dar  
vonne is eyneme manne inder tho vorwyten  
wā he schadē este schande krycht by fruwen ra  
de. wan alse eyner fruwen is to vorwyten dat  
se den raed vth ghyft. so verne ere menynge  
ghud is den se in radende menet. wēte fruwē  
nicht ensyn so vullentomen alze de mans so  
vor gesecht is

**¶** Wo de kōnyntē rede makede in torne  
myt alle den deren vnde vōghelen vnd wol  
de reynten sōken. vnde wo dyt ysegryme vñ  
brunen seer wol behagbede.

## Sat drydde capittel

**B** Kun vnde ysegrym desse beyde  
Behagbede wol wat de kōnyntē se de  
Se hopeden noch werden gewroten  
An reynten konde se yd to stoken  
Wen se en dorsten nicht spreken eyn word  
Se kōnyntē was so seer vorstord  
Vñ was seer tornich in alle syneme synne  
Int leste sprack de kōnygynne  
Ick bydde yw kōnyntē gnedige here